



Alþingi 1/221
Erindi nr. P 1-1/221
komudagur 26.11.2004

Nefndasvið Alþingis
Austurstræti 8-10
150 Reykjavík

Reykjanesbæ 25. nóvember 2004
Tilvísun: 2004110103

Efni: Umsögn um frumvarp til laga um mat á umhverfisáhrifum og skipulags- og byggingarlögum

Á fundi bæjarráðs Reykjanesbæjar 25. nóvember 2004 var til afgreiðslu erindi umhverfisnefndar Alþingis dags. 15. nóvember sl. þar sem óskað er umsagnar um frumvarp til laga um mat á umhverfisáhrifum og skipulags- og byggingarlögum, 235. mál, matsferli, málskotsréttur, úrskurðarnefnd o.fl.

Bæjarráð vísar í fyrri afstöðu frá 26. febrúar sl. sem sendist hér meðfylgjandi.

Ofangreint tilkynnist hér með

f.h. Reykjanesbæjar

Elísabet Magnúsdóttir
ritari bæjarstjóra

Alþingi
Umhverfisnefnd Alþingis
v/Austurvöll
150 REYKJAVÍK

Reykjanesbæ, 26. febrúar 2004
Tilvísun: 2004020089

Efni: Umsögn um frumvarp til laga um mat á umhverfisáhrifum og frumvarp til skipulags- og byggingarlaga

Meðfylgjandi er umsögn framkvæmdastjóra Umhverfis- og skipulagssviðs Reykjanesbæjar um frumvörp til laga um mat á umhverfisáhrifum, 301. mál, matsferli, málskotsréttur o.fl., og frumvarp til skipulags- og byggingarlaga, 302. mál.

Umsögnin var tekin fyrir á fundi bæjarráðs Reykjanesbæjar í morgun.
Bæjarráð tekur undir umsögnina.

Ofangreint tilkynnist hér með

f.h. Reykjanesbæjar

Elísabet Magnúsdóttir
Ritari bæjarstjóra



Reykjanesbær
Bæjarráð
Tjarnargötu 12
230 Reykjanesbær

Reykjanesbær, 23. febrúar 2004.

Málefni: Erindi umhverfisnefndar Alþingis – Frumvarp til laga um mat á umhverfisáhrifum og frumvarp til skipulags- og byggingalaga.

Eftirfarandi er umsögn Umhverfis- og skipulagssviðs Reykjanesbæjar (USK).

Umsögn um frumvarp til laga um breytingu á lögum um mat á umhverfisáhrifum, nr. 106/2000.

Með frumvarpinu eru lagðar til fjórar meginbreytingar á ákvæðum gjálandi laga um mat á umhverfisáhrifum. Í fyrsta lagi er lagt til að horfið verði frá því að Skipulagsstofnun úrskurði um mat á umhverfisáhrifum framkvæmda og taki í úrskurðinum ákvörðun um hvort fallist sé á eða lagst gegn framkvæmd. Þess í stað skal stofnunin gefa álit sitt á því hvort skýrsla um mat á umhverfisáhrifum framkvæmdar uppfylli skilyrði laganna og lýsi umhverfisáhrifum hennar á fullnægjandi hátt. Í öðru lagi er lagt til að horfið verði frá því að við útgáfu framkvæmdaleyfis skuli leyfisveitandi taka tillit til úrskurðar Skipulagsstofnunar. Þess í stað skal leyfisveitandi fjalla um og taka afstöðu til matsskýrslu framkvæmdaraðila og álits Skipulagsstofnunar á henni. Í þriðja lagi er lögð til sú breyting að málskotsréttur til æðra stjórnvalds verði þrengdur og takmarkist við þá sem eiga lögvarinna hagsmuna að gæta, umhverfisvemdarsamtök og hagsmunasamtök eftir nánari reglum. Í fjórða lagi er lagt til að í stað þess að kæra megi úrskurð Skipulagsstofnunar til umhverfisráðherra skuli ákvörðun sveitarstjórnar um útgáfu framkvæmdaleyfis kæránleg til úrskurðamefndar skipulags- og byggingamála.

Það er mat USK að verði frumvarpið að lögum óbreytt sé um jákvæða breytingu að ræða fyrir leyfisveitendur framkvæmdaleyfis þ.e. sveitarfélögin. Því er lagt til að mælt sé með að frumvarpið verði samþykkt.

Umsögn um frumvarp til laga um breytingu á skipulags- og byggingarlögum, nr. 73/1997, með síðari breytingum

Meginefni frumvarpsins felst í breytingum á ákvæðum laganna um úrskurðamefnd skipulags- og byggingamála og ákvæðum um framkvæmdaleyfi. Breytingarnar eru til samræmis til laga um breytingar á lögum um mat á umhverfisáhrifum sem lagt er fram samhliða þessu frumvarpi.

Auk þess er lagt til við umfangsmiklar framkvæmdir, sem matskyldar eru samkvæmt lögum um mat á umhverfisáhrifum, verði sveitarstjórn heimilt að skipa sérstaka eftirlitsnefnd sem liti eftir því að skilyrðum sem framkvæmdinni hafa verið sett sé framfylgt. Framkvæmdaraðili skal bera kostnað af starfi nefndarinnar.

Það sem snýr fyrst og fremst að sveitarfélögum er, að hér er um samræmingaratriði að ræða vegna frumvarps til laga um breytingar á lögum um mat á umhverfisáhrifum. USK leggur því til að frumvarpið verði samþykkt.

Virðingarfyllst,

Viðar Már Aðalsteinsson
framkvæmdastjóri umhverfis- og
skipulagssviðs Reykjanesbæjar

